



**Cogitationes, Sive Considerationes Christianae Pro
singulis Anni diebus**

Complectens Octobrem, Novembrem, Decembrem

Nepveu, François

Monachii, 1709

Dies 30. De sapientia Dei.

[urn:nbn:de:hbz:466:1-60533](#)

December. des remunerations certas, infinitas, semipaternas; & tamen famulatui tuo facile nos subducimus, ignaviter tibi servimus.
Quanta iniquitatem!

Si difficultatem senseris aliquid propter Deum agendi, cogita, quid agas, & egeris pro mundo, qui tam male remuneratur.

Cursum consummavi, fidem servavi: in reliquo deposita est mihi corona justitiae, quam reddet mihi Dominus. 2. Tim. 4. 8.

Promittit mundus temporalia, & parva; & servitur ei aviditate magna; ego promitto summa, & æterna; & torpescunt mortalium corda. Imit. Chri. l. 3. c. 3.

DIES XXX,

De Sapientia Dei.

I.

Deus est Sapiens, quia se cognoscit; & est infinitè Sapiens, quia se perfectè cognoscit; estque necessariò Sapiens; quia, sicut non potest non esse, sic non potest se non cognoscere. Præterea in suis cognitionibus ab objecto independens est, quia, sicut omnia in seipso comprehendit, sic etiam omnia in semetipso cog-

no-

hoscit. Atque ita discere nihil potest ; December, cùm novi aliquid cognoscere non possit. In natura, & potentia sua, quasi in speculo, videt non modò præterita, & futura, sed ea quoque, quæ fieri possunt : hæc enim in ipsis Sapientia aliqua ratione existunt, qua ratione in seipso nunquam existent. Res omnes creatæ in Sapientia divina modo perfectiori, quam in sua natura subsistunt. Res temporariæ in Sapientia divina sunt æternæ ; res mutabiles in ea prorsus sunt immutabiles. Res sensu carentes, & inanimatæ in eo vita sunt. Quod fā. Id, quod in se amplius non est, etiamnum cūm est, in est in Sapientia divina ; & id, quod non ipso vita e. dum est, in ipsa jam existit. Hæc Sapientia comprehendit æternitatem Dei ; quin eam circumscribat, ejusque immensitatem, quin eam metiatur.

II. Hæc Sapientia se prodit in creatione omnium rerum, super quas, ut ait Sapiens, ei placuit se effundere. Si ea cognoscitur in creatione cælorum, in grandi illo numero stellarum, quæ tantum à se splendoremittunt, quæ supra capita nostra cum tanto ordine gyrantur, quæ tam exactè diversa anni tempora definiunt, quæ tantâ abundantia influxus suos nobis impertiuntur ; certè non minùs ferè admiranda est.

X 5

in

Effudit il-
lam super
omnia opera
sua. Eccl. 1.

10.

Omnia in
Sapientia fe-
cisti
Psal. 103.

24.

December. In procreatione minimi floris, vel culicis. Si resplendet in creatione anime humanae, in intellectu, qui nullo terminari objecto potest, in voluntate, quæ capacitatem habet ferè infinitam; in memoria, quæ præterita revocat, remotissima colligit, inter se penitus opposita rursus conciliat; cum etiam elucet in corporis humani strutura, in multitudine ferè innumera organorum materiâ penitus diversorum, in eorum figuris, motibus, situ, & functionibus; cum tanta ramen concinnitate ad eundem finem directa. Verum si spectetur divinæ naturæ in Christo consociatio, mundi redemptio, peccatorum in justos cooptatio, electorum prædestinatio; hic cum Propheta exclamare cogor: O! Domine, sapientiæ tuae non est numerus.

Psal. 146.

v. 5.

III. Si Deus suprema est Sapientia, concludamus, necesse est, eum longè plura facere posse, quam nos comprehendere valeamus. Itaque male ratiocinamur, si dicamus, rem ita se non habere, idcirco, quod eam non comprehendamus. Si Deus est Sapientia suprema, suprema etiam veritas necessariò esse debet; itaque neque decipere potest. Propterea, si veritatem aliquam mihi revelat, etiam si eam non concipiā, certior ea mihi videri debet,

bet, quām si eam clarē viderem. Si ipse est suprema Sapientia, omnia semper optimè agit: an igitur melius quid agere possum, quām, si cæci instar ejus ductui me committam? hunc in modum cæcutire, est infinito lumine illustratum esse. Possumne errare, si ducem sequar Sapientiam? si Deus suprema Sapientia est, tunc omnia cognoscit, omnia videt. Quomodo ergo aliquid committere auderem, quod eum irriteret? oculus iste, ut inquit Sapiens, sole clarior, conscientiæ meæ intima scrutatur, abstrusissimas cordis mei latebras penetrat; quantâ vigilantiâ mihi non opus est ad omnes ejus motus observandos? Poterōne concedere, ut cor meum vel unicū vitiosum admittat motum?

Statue divinæ Sapientiæ ductui penitus te trādere, ab hac Sapientia duci se non sinere, est insanire.

Oculi Domini centies millies clariores sole, inspicentes omnes vias hominum, & intuentes in abconditas partes. Eccli. 23. 38.

Ordo temporum in æterna Sapientia sine tempore est; nec aliqua apud illum sunt nova, qui fecit, quæ futura sunt. Prosper.

PRO